

PM MODI WAQF BILL

وزیر اعظم نریندر مودی نے کہی وجے وقف ترمیمی بل ۲ ہزار ۵۲ پارلیمنٹ توں منظور ہونو سماجی انصاف کی جانب اک اہم قدم ہے وزیر اعظم نے پارلیمنٹ نانہہ ایک ایسو شاندار قانون منظور کرن ور مبارک باد دتی جیہڑو تمام طبقہ بشمول مسلمان گا مفادات گو تحفظ کرے انہاں نے کہیو جے ہون وقف کی پاکیزگی نانہہ بچاگے رکھیو جے گو تے محروم طبقہ خواتین تے بچہ گا حقوق گا تحفظ نانہہ یقینی بنایو جے گو۔ جناب مودی نے انہاں گلاں گو اظہار پچھلی شام نوئی دہلی مانہہ ایک میڈیا ہاوس گے زیر اہتمام منعقد ہ تقریب سنگ خطاب گے دوران کیو انہاں نے اس گل ور زور پاتا مانہہ کہیو جے سال ۲ ہزار ۵۲ گا پہلاں ۰۰۱ تہاڑاں اندر حکومت تے نہ صرف فیصلہ کیا بلکہ مستقبل کی مضبوط بنیاد وی رکھی ہے انہاں نے کہیو جے پچھلے ۰۰۱ تہاڑاں کی کامیابی توں ظاہر ہو رہی ہے جے بھارت اک ایسو ملک ہے جیہڑو ہون نانہہ رکن آلو تے ہی نہ پچھے ہٹن آلو ہے وزیر اعظم نے اس گل ور لو پاتا مانہہ کہیو اس مدت گے دوران بھارت دنیا گو چوتھو ملک بن گیو ہے جس نے خلا مانہہ سیٹلائٹ نانہہ جوڑن تے کئی کرن کی صلاحیت حاصل کی ہے۔

HOME MINISTER AMIT SHAH

مرکزی وزیر داخلہ امت شاہ نے پچھلے تہاڑے حفاظتی ایجنسیاں نانہہ ہدایت دتی ہے جے وے جموں کشمیر مانہہ دہشت گردی گا خاتمہ گا مقصد نانہہ پورو کرن واسطے نگرانی نانہہ مزید بدهاویں ہم آہنگی نال دہشت گردی مخالف کاروائیاں نانہہ مزید تیز کریں۔ انہاں نے اس گل گو اظہار جموں کشمیر گا اپنا ترا تہاڑا گا دورہ گے آخری تہاڑے سرینگر مانہہ اک اہم حفاظتی جائیزہ میٹنگ غی سادرت گے دوران کیو۔ وزیر داخلہ نے کہیو جے وزیر اعظم نریندر مودی کی حکومت کی حفاظتی حکمت عملی نے جموں کشمیر مانہہ دہشت گردی نانہہ ادھ مو کر دتی ہے جناب امت شاہ نے حفاظتی ایجنسیاں کی طرفوں کوششاں نانہہ وی سہراہو جن گا نتیجہ مانہہ دہشت گردی توں متعلق واقعات دراندازی تے نوجوانان کی دہشت گرد تنظیمان مانہہ پھرتھی مانہہ نمایاں کمی آئی ہے۔ انہاں نے وزیر اعظم نریندر مودی کی قیادت مانہہ دہشت گردی نانہہ بلکل وی برداشت نانہہ کرن کی پالیسی نانہہ وی دہراہو جناب امت شاہ نے تمام ایجنسیاں نانہہ ہم آہنگی سنگ اپنو کم کرن بارے وی کیو تانجے فہ ۳ سو ۰۷ غی منسوخی توں بعد حاصل ہون آلی کامیابیاں نانہہ برقرار رکھیو جاسکے تے دہشت گردی توں پاک جموں کشمیر گا ہدف تاولے پورو کیو جاسکے۔

KISAN CREDIT CARD

جموں کشمیر حکومت نے منگلار آلے تہاڑے اس گل نانہہ واضع کیو ہے جے اس ویلے کسان کریڈٹ کارڈ گے تحت لیا گیا ترا لکھ گا قرضہ نانہہ معاف کرن واسطے کوئی وی تجویز زیر غور نہیں ہے مہارا آکاشوانی جموں گا نامہ نگار گے مطابق ممبر قانون سا زاسمبلی ہلال اکبر لون گے طرفوں پوچھیا گیا اک سوال گا جواب مانہہ متعلقہ وزیر نے اس گل کی جانکاری دتی ہے قابل ذکر ہے جے متعلقہ فریقین حکومت توں لگا تار مطالبو کر رہیا ہیں جے کسانان نانہہ راحت پُجان واسطے یک طرفہ قرض معافی ور غور کیو جے تانجے بحران نانہہ کھٹ کی وجاسکے واضع رے جے کسان کریڈٹ کارڈ سکیم بھارتی حکومت کی طرفوں کسانان نانہہ ہر وقت قرض فراہم کرن واسطے شروع کی گئی تھی جس نانہہ جموں کشمیر مانہہ بڑا پیمانہ ور اپنایو گیو ہے جد کہ کجہ کسانان نانہہ قرض کی ادائیگی مانہہ وقت پیش آرہی ہیں۔

ESTATES DEPARTMENT

جموں کشمیر حکومت نے پچھلے تہاڑے قانون ساز اسمبلی نانہہ جانکاری دتی ہے جے سرینگر تے جموں دائے شہراں مانہہ کجہ ریاستدان صحافی تے سرکاری ملازمین نے غیر قانونی طور ور سرکاری رہائش گاہ قبضو کیو وہ ہے۔ مہارا آکاشوانی جموں گا نامہ نگار نے خبر ثوری ہے ممبر قانون ساز اسمبلی عبدالمجید کی طرفوں پوچھیا گیا اک سوال گا جواب مانہہ اس گل کی جانکاری دتی ہے ایم ایل اے موصوف نے اس گل ور وضاحت لیتا مانہہ کیو جے خاصی تعداد مانہہ با اثر افراد جڑا اپنی مدت پوری ہون توں بعد وی سرکاری رہائش گاہ گو استعمال کر رہیا ہیں ان گے خلاف حکومت قدم چارہی ہے اس گا جواب مانہہ حکومت کی طرفوں کسے گو نانہہ لیے بغیر اس گل کی جانکاری دتی ہے محکمہ اسٹیس نانہہ ہدایت دتی گئی ہے جے وے جائیداد ور قابض ایسا افراد گے خلاف جموں کشمیر اسٹیٹس محکمہ ۲ ہزار ۴ گا قانون گے تحت بے دخلی کی کاروائی شروع کرے۔

STATE LAND ENCROACHMENT

جموں کشمیر حکومت نے دسیو ہے جے مرکزی زیر انتظام علاقہ جموں کشمیر مانہہ مجموعی طور ور ۴ لکھ ۸۴ ہزار ۲ سو ۴ کنال ۳۱ مرلہ ریاستی تے کالچرائی زمین ور غیر قانونی قبضو ہے، ہارا آکاشوانی جموں گا نامہ نگار نے خبر ثوری ہے جے ممبر قانون ساز اسمبلی فاروق احمد شاہ گا اک سوال گا جواب مانہہ متعلقہ وزیر نے کہی وجے حکومت نے غیر قانونی قبضو کرن آلا نانہہ بے دخل کرن واسطے سخت قدم چایا ہیں تے ان گا نانہہ ور تمام اندراج نانہہ وی ختم کردتو گیو ہے انہاں نے کہی وجے قبضہ آلی زمین نانہہ واپس لین واسطے خصوصی بے دخلی کی مہملگا تار جاری ہیں اس ضمن مانہہ مزید دسیو گیو ہے جے جموں کشمیر مانہہ زمین گا استعمال مانہہ تبدیلی واسطے ۳ ہزار ۵ سو ۵۵ مقدمہ نانہہ منظوری دتی گئی یا منظوری بکھ بکھ مقصد جنمانہہ تجارتی صنعتی تے رہائشی ترقی واسطے دتی گئی ہے اس سلسلہ مانہہ متعلقہ وزیر نے دسیو جے ۰۴ ہزار ۱ سو ۱۵ کنال ساڈھ ۷۱ مرلہ زمین صنعت و تجارت گا محکمہ نانہہ منتقل کی گئی ہیں انہاں نے کہیو جے صڈرف گلمرگ مانہہ ہی ۴۹ کنال زمین منتقل کی گئی ہے جن مانہہ ۰۵ کنال ہر دوہانی گراں مانہہ جحدہ ۴۴ کنال لال پورہ گراں مانہہ شامل ہے۔

DC POONCH MEETING

ضلع ترقیات کمشنر پونچھ وکاس گنڈل نے پچھلے تہاڑے اکیٹنگ بلائی جس گو مقصد سیاحت گا شعبہ مانہہ وئی ترقی واسطے حکمت عملی بنانوں تے جاری سرگرمی تے ضلع کی سیاحتی صلاحیت نانہہ باندے آنن مانہہ حاصل ہوئی پیش رفت گو جائیزو لینو تھو اس میٹنگ گے دوران دسیو گیو جے پونچھ ترقیاتی اتھارٹی اس ویلے پونچھ مینڈھر تے سرنکوٹ سب ڈویژن مانہہ ۷۳ منصوبان کی نگرانی کر رہی جن مانہہ ۲۳ منصوبان نانہہ مکمل کرلیو گیو ہے جحدہ باقیان ور کم جاری ہے ڈی سی موصوف نے اس گل ور زور پاتا مانہہ کہیو جے متا سیلانیان نانہہ اس طرف راغب کرن تے مقامی معشیت نانہہ فروغ دین واسطے اک مضبوط سیاحتی ٹانچہ کی ترقی ضروری ہے۔

WHEAT PROCUREMENT

فصل کٹائی گو موسم نیڑے آن گے پیش نظر پچھلے تہاڑے اک میٹنگ منعقد کی گئی تانجے ربی فصلان کی مارکیٹنگ ۲ ہزار ۵۲، ۶۲ واسطے کنک کی خریداری کا انتظام گو تفصیلی جائیزو لیو جاسکے اس سلسلہ مانہہ زراعت گا ڈائریکٹر اروندر سنگھ رین نے

کنک گی خریداری گا عمل نانہ موثر طریقہ سنگ چلان گی اہمیت ور زور پایو تے خاص طور بھارتی کھانپین غو کارپوریشن غے
زریعے کساناں توں براہ راست خریداری تے براہ راست فائڈو مُنتقلی بارے نظام نانہ یقینی بنان ور زور پایو۔ اس ضمن مانہ دسیو
گیو ہے جموں ڈویژن مانہ کل ۱۲ کنک خریداری مراکز یعنی منڈیاں غو قیام کیو جے گو جن مانہ ۱۱ جموں ضلع مانہ ۹ کٹھوعہ
تے اک سانہ اے گی تے اس دوران جگہ بوری تے نقل و حمل گی سہولت ور وی زور پایو گیو تانجے خریداری آلی منڈیا نانہ موثر
طریقہ سنگ چلايو جاسکے۔

NEWS READ BY MEHBOOB SULTANI
DEO NUSRAT
TECH ASST PALLAVI
SKILLED RAJAT
EDITOR MUSTKEEM BAIG